

宗陵病案二

宗倚英題



宗陵病案二

宗脩英題



ISBN 7-5077-1218-4



9 787507 712186 >

紫陵病案

线装一函二册

著者：(清)力钧

责任编辑：郭强

出版发行：学苑出版社（北京市万寿路西街十一号）

邮政编码：100036

印刷：北京大兴韩营古籍印刷厂

经销：各地新华书店

开本：八开

印数：一—一〇〇

版次：一九九八年七月第一版

定 价：一九九八年七月第一次印刷

价：八六〇元

学苑版图书印、装错误可随时退换。



八月二十八日由奏事處發鈔

皇上病案昨日食物尚好口渴畧減心跳未作仍時作乾嗽動
——轉仍覺頭暈小便照常串痛仍舊腿足疲軟較重氣弱身
——倦寒熱未發耳鳴腦響猶甚消化食飲遲慢胸次仍覺鬱
——而不暢晚間輒懶較甚夜寐前半夜時睡時醒後半夜未
——睡於亥刻夢遺而不多係醒後方洩出前半夜醒時又覺
——身內作冷片刻即止夜間咳嗽仍重串痛亦重睡醒後遍
——身發板大便未行近來疊次作冷咳嗽總未大愈似有風
——寒在內若疏解之可否

八月二十八日臣力鈞請得



皇上脈息左右均弦數高上似有停積益以外感風寒鬱而化

熱蓋胃弱則飲食消化遲慢故胸次仍覺不暢晚間

咳嗽較重串痛較重轉輾難轉輾難甚遍身發板

因氣脈未調下元虛冷中氣未充頭暈氣弱身倦夢遺諸症

現時心跳未作寒熱未作口渴畧減飲

食尚好謹擬疏肺運脾之法調理

苦杏仁一錢 川貝母二錢 杭白菊八分 密枇杷葉一錢 半夏

一錢 福橘絡一錢

引用麥芽二錢

八月二十九日由奏事處發鈔

胃氣結滯
便未行則有停
積可知

皇上病案昨日食物尚好消化遲慢大便未行小便如舊午睡
——醒後輒懶畧輕寒熱未發心跳未作咳嗽時作時止串痛
——稍減肩項微覺痰沉頭仍稍暈夜寐尚好惟初睡時頻發
——微汗身上覺燥今夜未作咳嗽於丑正二刻見大便尚潤
——早晨食物尚好耳鳴腦響仍甚他症如舊

八月二十九日臣力鈞請得

皇上脈息左右弦數有減心跳未作寒熱未作輒弱稍輕串痛
稍減食物尚好夜寐尚好小便如舊大便稍潤此血脈漸
舒之象咳嗽時作時止而入夜漸少睡時頻發微汗而身
上覺燥濕熱外散見疏解之有效肩項微覺痰沉頭仍稍
佳

暈則因^{氣逆}虧腦虛所致所以耳鳴腦響之症仍甚也現消

化尚是遲緩謹擬通絡疏氣之法調理

茯苓二錢 密枇杷葉一錢 橘絡一錢 苦杏仁二錢
杵

引用雞內金一枚

九月初二日由奏事處發鈔

皇上案二十九日食物尚好心跳未作口渴畧輕小便如常

——午正三刻見大便乾而費力傍晚串痛稍增臨睡時身內

——麻冷蓋五層棉被始稍和暖夜寐惟總覺發涼後半夜醒

——後方愈丑正二刻見大便尚潤而不多

——初一日早起左臂根及脊背兩傍串痛覺重食物尚可寅

——正二刻見大便微溏卯正又見一次仍溏午睡醒後串痛
——仍未減惡風畏涼耳鳴腦響猶甚未正一刻見大便潤而
——吃力兼有糟粕晚間按捺後串痛稍輕心跳未作口不甚
——渴小便如常近二日咳嗽時作時止腿足痠軟畧輕頭暈
——亦稍減夜寐較好亦未作冷醒後頭偏右微疼大便未行
——今早食物尚好餘症如前
——諸症時輕時重迄未就痊推原其故豈因服藥過多方劑
——雜投致臟腑受其偏勝之氣所以病勢纏綿反覆日久無
——效耶抑實係氣體本虛藥力不能培補也務必細心參酌
——明白具陳毋得敷衍遷就

九月初二日 臣力鈞請得

皇上

脈息左弦右濡諸症時作時止時輕時重由於血之消長

惟身內麻冷總覺惡風畏涼此則血虛不能溫熱也

象謹按常人一身血熱以華氏九十八度零六為準而

度數則熱不足而麻冷蓋五層棉被而始和暖則非五

層棉被必不和暖按捺後串痛稍輕則不按捺而串痛必

不輕串痛由血虛而冷由血實則治病當從血分

着手中國療治始於庖犧本草始於神農游牧時代肉食

者多耕稼時代始有穀食然禹時五穀尚為艱食則上古

食穀之艱更可知肉食者血必足所以本草所錄藥物多



實驗

石谷之品補也者必其有久服輕身延年等語則皆

後世方術家言斷非神農之旨無論氣血虛者非藥力所

能補即實者亦不能培補惟有病後藉藥力補

佐功用氣弱者益氣液潤者養液血虧者行血道其所固有石

值增其所本無頃奉單開

聖躬諸症時輕時重迄未就痊推原其故豈因服藥過多方劑

雜投致臟腑受其偏勝之氣所以病勢纏綿反覆日久無

效助和實修其體取虛藥力不能培補也務必細心參酌

明白具陳毋得敷衍遷就等諭欽此仰見

聖明洞察欽佩莫名臣學淺識陋恭請



聖脈以來已四十餘日所見效者僅心跳未作一症耳餘則旋

作旋止旋輕旋重雖^見之消長無定究竟總屬^虛擬

^先請外感^補愈專注飲食衛生隔數日進藥一次且可以驗

病機之進退方劑雜投誠有偏勝之虞欽遵

諭旨明白具陳是否有當伏候

聖裁現時血虛而飲食尚好謹擬行血益氣之品調理

黨參一錢 當歸一錢五分 杭芍一錢 橘絡七分

九月初三日由奏事處發鈔

皇上病案昨日食物尚好心跳未作咳嗽亦輕寒症未作小便

照常頭仍稍暈口微覺渴大便未行串痛稍減惟消化遲

肺氣運化不暢



——慢晚間胸次微覺發悶氣道欠舒夜寐前半夜安適自丑刻後未睡丑初三刻見大便溏泄兼糟粕今早食物尚好
——耳鳴腦響仍甚餘症未減

九月初四日由奏事處發鈔

皇上病案前日曾以服藥過多恐臟腑受偏勝之氣及藥力能
——否培補為問力鈞方案內則云隔一二日服藥一次以驗
——病機之進退並以草木多治外感之品補血之藥甚少無
——論氣體虛實皆不能培補專在著意飲食衛生等語而陳
——秉鈞曹元恆方內何以並無一言及之意者或有奇方秘
——劑不敢輕試所以遲迴未對應即從速開列備用如不然

——則當將服藥過多究竟有無流弊及藥力能否培補並應
——如何醫治方能全愈之處剴切具陳以免病勢愈久愈深
——再每日所交病原皆當詳細閱看凡有所問皆當直言無
——隱按條詳對毋得徒問不答有涉搪塞昨日於丑刻見大
——便後寅刻卯刻又見大便三次前後共四次皆溏泄腹內
——並不痛微覺下墜身上微作麻耳早午用膳均好午刻咳
——嗽稍輕串痛如前口渴畧減身內亦不覺涼因天氣尚暖
——之故未刻大便欲行未行微覺頭疼向晚腿足痠軟稍重
——食物消化遲慢酉刻身內覺麻肢體痠沉戌刻睡時遍身
——麻冷至亥初二刻第二次醒後始解後又發熱頻出微汗

——未能睡咳嗽甚重胸脇為咳嗽所頓殊覺痠痛子正以後
——熱漸退始睡熟寅初二刻見大便潤而不多今早頭偏右
——覺疼耳鳴更甚他症如前

九月初五日由奏事處發鈔

皇上病案昨日早間食物不香頭疼所致午睡醒後畧輕食物
——尚可仍時作咳嗽口亦微渴小便如常大便未行腿足痠
——軟懶步胸背仍覺串痛寒熱未作惟惡風過甚夜寐尚可
——惟屢出微汗後半夜寐欠實丑正見大便乾而少今早頭
——仍微疼食物尚可耳鳴仍甚餘恙未減

九月初六日由奏事處發鈔

皇上病案昨日食物尚好咳嗽見輕左脇胸背等處仍覺串痛

——口渴畧輕寒熱未作小便照常大便未行腿足痠軟消化

——遲慢耳鳴仍甚酉正見大便乾而費力便後身痠心煩睡

——時亦然直至亥正一刻醒後見大便仍乾而費力便後再

——睡復覺身內麻冷過子正方解後亦未燒未出汗此次身

——痠時長麻冷較輕咳嗽亦不甚重後半夜仍未睡今早頭

——微悶食物尚可他症如前

九月初六日臣力鈞請得

皇上脈息左右均小而靜謹案食物尚好胃氣復也咳嗽亦重

肺氣鬱也小便如常腎行且如常也麻冷較輕串痛較輕

則氣脈... 中氣... 肺... 營衛和也然而便後身疲身疲時

腿足疲軟... 耳鳴頭悶... 則行... 完

其病根則在消化遲慢胸次悶則心煩腸液傷則大便乾

而費力謹擬和中國表以益氣之法調理

西綿耆二錢生薑八分於潛朮一錢同炒生白芍一錢當

歸一錢

引用麥芽一錢

九月初七日由奏事處發鈔

皇上病案每日食物尚好惟消化遲慢行路仍覺疲軟不能多

——走多則足下無根即欲作暈且氣便提上消化更不能快



但須坐卧行立頻頻更換方覺合宜每日所食之物必待
 夜間睡時腹中作響始逐漸下行自去年服藥以來皆係
 如此近數日耳鳴腦響仍甚串痛忽輕忽重總未大愈寒
 熱之症常常發作藥餌日服迄未奏效大便亦乾稀不定
 總不調勻咳嗽時增時減每遇發寒熱之時必重氣弱表
 虛惡風過甚夜寐欠實醒不解乏以上諸症必須速籌善
 法使之漸減否則愈久愈涼更難醫治昨日寒熱未作小
 便如常大便未行口渴畧減夜寐尚好丑正見大便乾而
 少便後又睡三刻醒後口舌乾燥胸間筋覺痛咳嗽呼吸
 亦然牽連右脇脊背偏右亦痛今早食物尚可餘症如前

